



কেন্দ্রীয় মন্ত্রিসভা

বিহার ও ঝাড়খণ্ডের উত্তর কোয়েল জলাধার প্রকল্প নির্মাণের বাকি কাজ সম্পূর্ণ করার প্রস্তাবে অনুমোদন কেন্দ্রীয় মন্ত্রিসভার আনুমানিক ১,৬২২ কোটি ২৭ লক্ষ টাকা ব্যয়ে বিহার ও ঝাড়খণ্ডের উত্তর কোয়েল জলাধার প্রকল্পের বাকি কাজ সম্পূর্ণ করার একটি প্রস্তাব

Posted On: 17 AUG 2017 5:03PM by PIB Kolkata

আনুমানিক ১,৬২২ কোটি ২৭ লক্ষ টাকা ব্যয়ে বিহার ও ঝাড়খণ্ডের উত্তর কোয়েল জলাধার প্রকল্পের বাকি কাজ সম্পূর্ণ করার একটি প্রস্তাব আজ ছাড়পত্র পেল প্রধানমন্ত্রী শ্রী নরেন্দ্র মোদীর নেতৃত্বে অনুষ্ঠিত কেন্দ্রীয় মন্ত্রিসভার বৈঠকে। প্রকল্পের শুরু থেকে পরবর্তী তিনটি আর্থিক বছরে ঐ অর্থ ব্যয় করা হবে।

বেতলা জাতীয় উদ্যান এবং পালামৌ ব্যাঘ্র সংরক্ষণ কেন্দ্র যাতে জলময় নাহয়ে পড়ে, তা নিশ্চিত করার লক্ষ্যে বাঁধে জল মজুতের পরিমাণ নির্দিষ্ট স্তরের নিচে রাখার বিষয়টিতেও আজ সম্মতি জানায় কেন্দ্রীয় মন্ত্রিসভা।

প্রসঙ্গত উল্লেখ্য, উত্তর কোয়েল জলাধার প্রকল্পটি অবস্থিত শোন নদীরই একটি শাখা নদী উত্তর কোয়েলের ওপর। ঝাড়খণ্ড রাজ্যের পালামৌ এবং গাডোয়া জেলার বিশেষভাবে অনগ্রসর আদিবাসী অঞ্চলে অবস্থিত উত্তর কোয়েল জলাধার প্রকল্পটি। এর নির্মাণ কাজ শুরু হয় ১৯৭২ সালে এবং ১৯৯৩ সালে বিহার সরকারের বন দপ্তরের নিষেধাজ্ঞার আগে পর্যন্ত তা চালু রাখা হয়। কিন্তু ঐ নিষেধাজ্ঞা বলবৎ হওয়ার পর থেকেই বাঁধের কাজ অচলাবস্থায় রয়ে গেছে। আজ কেন্দ্রীয় মন্ত্রিসভার অনুমোদনের ফলে প্রকল্পের বাকি কাজ সম্পূর্ণ করা সম্ভব হবে বলে আশা করা হচ্ছে।

(Release ID: 1499962) Visitor Counter : 2

Background release reference

আনুমানিক ১,৬২২ কোটি ২৭ লক্ষ টাকা ব্যয়ে বিহার ও ঝাড়খণ্ডের উত্তর কোয়েল জলাধার প্রকল্পের বাকি কাজ সম্পূর্ণ করার একটি প্রস্তাব

